



UNIVERSITI
TEKNOLOGI
MARA

Cawangan Terengganu

INFO US\$AHAWAN

PENAUNG:

DR ROSMAN MAHMOOD

CHIEF EDITOR/KETUA EDITOR:

PUAN NIK FAZLIN HIRYATI NIK JAAFAR

MANAGING EDITOR/EDITOR URUSAN:

CIK NOOR MALINJASARI BINTI ALI

EDITOR

PUAN SUZILA MAT SALLEH
PUAN NASIHA ABDULLAH
PUAN NORHAYATI HUSIN
PUAN ROSEZIAHAZNI ABD GHANI
PUAN 'ATIQA RASHIDAH ABU SAMAH
PUAN HASMIDA MOHD NOOR
PUAN RASLINA MOHAMED NOR
PUAN SITI FATIMAH MARDIAH HAMZAH
ENCIK WAN AHMAD KHUSAIRI WAN CHEK

DESIGNER/PEREKABENTUK

ENCIK ABDUL RANI JUSOH
PUAN NOOR HAFIZA MOHAMMED

EDISI
27

No issn:1823-6421

Wanita dan Industri Penternakan

Industri penternakan di Malaysia merupakan salah satu industri penting yang menyumbang kepada sumber ekonomi negara. Industri ini melibatkan aktiviti penternakan seperti lembu, kerbau, kambing, biri – biri dan juga ayam. Secara umumnya, industri penternakan ini dimonopoli oleh kaum lelaki. Namun peredaran zaman memperlihatkan perubahan mula berlaku di mana, bidang ini sudah mula membabitkan penglibatan wanita.

Manja binti Ali, 55, membuktikan bahawa wanita juga mampu bersaing dan membina kejayaan dalam sektor penternakan ini. Bermula dengan menternak kambing secara kecil-kecilan, wanita berjiwa kental ini memberanikan diri untuk memulakan perniagaan berkonsepkan *'trading'* kambing dan lembu untuk ternakan, aqiqah dan korban. Dengan bermodalkan RM5000 beliau memulakan kerjayanya sebagai pembekal ternakan tersebut. Walau pun bidang ini jarang diceburi oleh kaum wanita, namun demi tekad untuk mengubah kehidupan dan minat dalam bidang penternakan, beliau berani melaburkan modal tanpa ragu. Mempunyai ladang dan kawasan ternakan yang luas merupakan satu kelebihan kepada beliau. Beliau kini menguruskan menguruskan sendiri perniagaan penternakannya. Ladang yang dikenali dengan nama Manja Agrofarm ini, mempunyai empat orang pekerja yang menguruskan ladang tersebut selain dibantu oleh tiga orang anak beliau yang terlibat secara tidak langsung dalam operasi pemasaran. Pada permulaannya, Manja Agrofarm memulakan perniagaan *'trading'* dengan hanya membekalkan kambing kepada pembekal di sekitar Perlis dan Kedah.

**Zamzila Erdawati Zainol¹,
Mohd Noor Ariff Abdullah² dan Anuar Ali³**

¹Fakulti Sains Gunaan,
UNIVERSITI TEKNOLOGI MARA, Arau, Perlis.

²Unit Teknologi Maklumat,
KOLEJ KOMUNITI, Arau, Perlis.

³JABATAN PERIKANAN NEGERI PERLIS, Perlis.

*Koresponden: zamzila396@uitm.edu.my



Antara ternakan di ladang Manja Agrofarm.

Usaha Puan Manja kini membuahkan hasil kerana haiwan ternakan tersebut mendapat sambutan dan permintaan yang tinggi. Sehingga kini, permintaan untuk haiwan ternakan tersebut mendapat permintaan yang menggalakkan terutama menjelang musim perayaan. Purata pengeluaran kambing yang dicatatkan dalam sebulan ialah sebanyak 150 ekor dan bilangan tersebut meningkat terutamanya pada musim kenduri dan perayaan. Selain membekalkan kambing hidup, beliau juga menerima tempahan untuk masakan kambing sekiranya diperlukan oleh pelanggan beliau. Pada tahun 2019, Manja Agrofarm telah mengembangkan sayap perniagaannya dengan memulakan perniagaan *'trading'* lembu kepada para penternak di sekitar Perlis dan Kedah. Permintaan untuk bekalan lembu ini mendapat sambutan yang menggalakkan terutama menjelang sambutan Hari Raya Aidiladha

Purata pengeluaran lembu ialah sebanyak 100 ekor sebulan ketika Hari Raya Aidiladha. Menurut beliau perniagaan berkonsep *'trading'* ini lebih menguntungkan kerana keuntungan dapat diperoleh dalam masa yang singkat tanpa memerlukan proses penternakan lembu yang lama. Bagi perancangan masa hadapan, Puan Manja Ali bercadang untuk mengembangkan lagi cabang perniagaannya daripada penjualan ternakan secara *'trading'* kepada pembekalan daging kambing dan lembu sejuk beku menerusi syarikat miliknya Manja Agrofarm.

Semoga perniagaan Puan Manja Ali terus berkembang maju dengan peningkatan produktivi dan kepelbagaian produk ternakan jenama Manja Agrofarm yang dihasilkan. Pertanian satu perniagaan. Hanya yg berusaha dapat merasa hasilnya.

Rujukan

[1] Sumber peribadi penulis



Ternakan lembu mendapat permintaan tinggi terutama di musim perayaan.